



MARRËVESHJE BASHKËPUNIMI

Ndërmjet

Federatës Shqiptare të Shahut, me adresë: Rr. "Liman Kaba", Ish- Kompleksi Dinamo, Tiranë, përfaqësuar nga Presidenti z. **Rezart Taçi**, këtu më poshtë referuar si "**FSHSH** "

dhe

Ministrisë së Arsimit dhe Sportit të Shqipërisë, përfaqësuar nga Ministja znj. **Lindita Nikolla**, këtu më poshtë referuar si "**Ministria**"

dhe **ZURAB AZMAPARAISHVILI**

Federatës Botërore të Shahut/ Federatës Evropiane/ World Chess Federation, Av. de la Gare 1, c/o Reymond & Associés, 1002 Lausanne, Switzerland, përfaqësuar nga z. Zurab Azmaparaishvili, këtu më poshtë referuar si "**Fide**"/ "**ECU**".

Meqënëse

Palët besojnë se nëpërmjet sportit të shahut mund :

- Të ndihmojnë në zhvillimin pozitiv të aftësive njohëse të fëmijëve dhe nxënësve.
- Të ndihmojnë në krijimin e besimit në vetvete, tek fëmijët dhe të rinjtë.
- Të ndikojnë në rritjen e kujtesës, rritjen e të menduarit të disiplinuar, përqendrimin, si dhe rritjen e përmirësimit e rezultateve në testet e lëndëve të ndryshme mësimore.
- Të ndihmojnë në përmirësimin e performancës në procesin e të mësuarit.
- Të promovojnë e të zhvillojnë praktika integruese tek nxënësit me aftësi ndryshe.
- Të promovojnë dhe shpërndajnë kulturën e mundësive të barabarta, duke mbështetur pjesëmarrjen e femrave, në të gjithë nivelet e praktikës së tyre sportive.
- Të promovojnë bukurinë e ndjesisë së fitores ndaj kundërshtarëve, dhe vlerat edukative, qoftë nëpërmjet mësimin të tij në kompjuter, apo në mënyrën tradicionale , në tavolinën e shahut.
- Te përfshijnë përdorimin e shahut në kompjuter, si një platformë për veprimtarinë interaktive ndërlëndore dhe të përdorimit të teknologjisë në klasë dhe jashtë saj.
- Të promovojnë dhe të implementojnë një edukatë të pastër sportive duke filluar që në ciklin e elementar të shkollës 9 – vjeçare.



Në mbështetje të nenit 57 të Kushtetutës së Republikës së Shqipërisë, Kodit Civil dhe Ligjit nr. 69/2012 datë 21.06.2013 "Për arsimin parauniversitar në Republikën e Shqipërisë", palët bien dakord si vijon.;

Neni 1

Objekti i Marrëveshjes

- 1.1. Objekt i kësaj marrëveshjeje do të jetë bashkëpunimi mes Palëve me qëllimin për të implementuar projektin e *Mësimeve të Shahut në Shkollë*.
- 1.2. Implementimi i Marrëveshjes do të bëhet edhe në kuadër të projektit të Ministrisë së Arsimit dhe Sporteve të Republikës së Shqipërisë për kthimin e shkollave në Qendra Komunitare.
- 1.3. Projekti i Mësimin të Shahut në Shkolla do të përmbajë mundësimin e marrjes së leksioneve dhe njohurive mësimore për shahun nga nxënësit e shkollave, nëpërmjet aktiviteteve ekstrakurrikulare në laboratorët e teknologjisë së informacionit të shkollave, me anë të regjistrimit dhe anëtarësimit me dëshirë të nxënësve, on line në Fide dhe Fshsh, në linkun: <http://sm.fide.com/> dhe <http://psm.fide.com/>, si dhe zhvillimin e orëve mësimore ekstrakurrikulare, në formën e praktikave zbatimëse, si dhe garave sportive të organizuara.

Neni 2

Të drejtat dhe detyrimet e Palëve

2.1. FIDE/ECU do të ketë të drejtë :

- Të kontrollojë dhe testojë fazën e implementimit të projektit për mësimin e shahut në institucionet arsimore parauniversitare, nëpërmjet anëtarësimit të nxënësve me paketat: *Fide Chess in school student membership, Sm dhe Psm*.
- Të vendosë në faqet zyrtare të internetit informacionin mbi progresimin e projektit ;
- ushtrojë të drejta të tjera që kërkohen ndaj Federatës Kombëtare, për përmbushjen e marrëveshjes së tyre të bashkëpunimit, dhe përmbushjen e detyrimeve për implementimin e projektit ;
- Të sigurojë në bashkëpunim me Federatën Kombëtare hartimin e programeve të trajnimit, teksteve dhe metodave mësimore të mësimin të shahut , për nxënësit e institucioneve arsimore para-universitare ;
- Të pajisë nxënësit e shkollave me kartën e anëtarësimit, Fide ID dhe me akses në bibliotekën e saj.



2.2. Ministria do të:

- Ofrojë dhe mundësojë bashkëpunimin e saj, nëpërmjet të gjitha Drejtorive Arsimore Rajonale në territorin e Shqipërisë, në përputhje me aktet ligjore dhe nënligjore në fuqi, për të implementuar projektin “ *Mësimet e Shahut në Shkollë* ”.
- Mundësojë promovimin e anëtarësimit të nxënësve të shkollave në Fide nëpërmjet paketave: [sm dhe psm](#), në të gjitha shkollat e vendit, nëpërmjet DAR dhe ZA.
- Mundësojë perzgjedhjen e shkollave pilot, duke filluar me 10 të tilla në vitin e parë të implementimit të programit, për të hapur kabinetet e shahut.
- Kërkojë raport mbi progresin e projektit drejtuar Federatës Shqiptare të Shahut
- Lejojë fillimin e projektit prej vitit mësimor 2015-2016;
- Monitorojë progresimin e projektit ;
- Mbledhë informacion, fotografi, video mbi progresimin e projektit, për t’u publikuar në faqen zyrtare të Ministrisë dhe në media të tjera.

2.3. Federata Shqiptare e Shahut do të ketë të drejtë të :

- Hartojë politika dhe metoda për të mbuluar koston financiare të trajnimeve /instruktimeve në projekt, duke mos kërkuar ndryshime të personelit të kualifikuar në shkolla;
- Caktojë si Menaxher të Projektit, Akademinë e Shahut me përfaqësues ligjor, Z. Erald Dervishi, që do të jetë përgjegjës për implementimin e projektit;
- Të paraqesë me kërkesë të ECU/ Fide një raport mbi progresin e projektit;
- Respektojë realizimin e programit mësimor në shkolla, duke mos cënuar kohëzgjatjen e orëve të mësimi;
- Mundësojë krijimin e rrjetit të bashkëpunimit për implementimin e programit të shahut në shkollë, nëpërmjet kompjuterit apo kabineteve të shahut në shkollat pilot e më gjerë.
- Krijojë mundësi konkrete për trajnimin e mësuesve në disiplinën e shahut dhe të bashkëpunojë në organizimin e sallave të shahut në shkollat ku është e mundur, konkurseve e garave të shahut mes shkollave, në bashkëpunim me Drejtoritë Arsimore Rajonale përkatëse.

Neni 3

Përgjegjësitë e palëve në rast të ndërprerjes së Marrëveshjes

- 3.1. Nëse Federata dhe Ministria dështojnë në përmbushjen e detyrimeve, ose përmbushja e tyre bëhet në mënyrë të gabuar, ECU/ Fide mund të pezullojë (ndërpresë) implementimin e projektit në territorin e Shqipërisë.
- 3.2. Palët nuk do të kenë detyrime ndaj njëra-tjetrës.



Neni 4

Dispozita përfundimtare

- 4.1. Çdo mosmarrëveshje që mund të lindë mes palëve, gjatë përmbushjes së kësaj Marrëveshje, do të zgjidhet me konsultime dhe negociata mes tyre.
- 4.2. Kjo Marrëveshje mund të përfundojë, nëse Palët bien dakord, ose nëse njëra nga Palët mund ta përfundojë në mënyrë unilaterale, duke i dërguar njoftim të shkruar palës tjetër një muaj përpara.
- 4.3. Çdo amendim dhe shtojcë do të bëhet vetëm me akord të përbashkët të Palëve dhe nëpërmjet marrëveshjeve suplementare (plotësuese) të nënshkruara nga Palët.
- 4.4. Kjo Marrëveshje është hartuar në tri kopje të barazvlefshme mes tyre, një për secilën Palë.
- 4.5. Kjo Marrëveshje do të hyjë në fuqi në momentin e nënshkrimit nga Palët dhe do të jetë e vlefshme për një afat të pacaktuar.

Ministria e Arsimit dhe Sportit

* Ministre, Lindita Nikolla _____

Datë _____

m. 4661/jud
dt. 18.06.2015

Federata Shqiptare e Shahut

President, Rezart Taçi _____

Datë _____

FIDE/ECU

Z.Zurab Azmaparaishvili _____

Datë 17.06.2015.